

Yeah
Ooh
Lo und Leduc baby
Hahaha, wider da, wider
Wider da, wider
Ooh, ja

U du wohnsch a däm Ort
Wo aui Lüt nur chöme zum gah
U glych sy si jede Tag wider da (wider da, wider)
Di Rolltrappe isch en Outobahn
Kollonne vo Koffre mit Mönsche dran
U nume wüu du nid wägg geisch meine d Lüt du sigsch ahcho
I gseh di Bart scho
Vo wytem am Bahnhof
U di länge Haar wo
Um dis Gsicht umefliesse wi Wulche
I grüesse di churz
U du luegsch so (du luegsch so)
Aus chönnti dir das nüt a ha
Nur uf dire aute
Stirn isch e Faute
U die isch tief wines Meer
Aber fasch niemer hautet - vor dir
Wüu me nid so viu hautet - vo dir
Aber dini Ouge
Sy Trabante u di sy müed vo däm wo si hei gseh
Vo däm wo si hei gseh

U dr Mond hanget i de Seili, Seili
U me fragt ne nie nach sire Meinig, Meinig
Me fragt nur immer d Stärne
Behandelt ne wine Latärne
Dr Mond hangt i de Seili
Und i weiss dases mir oh so gieng

U du wohnsch a däm Ort
Wo aui Lüt nur chöme zum gah
U glych sy si jede Tag wider da (wider da, wider)
Dr Wartsaal isch läär u wod dert hesch wöue sitze het me di grad verjagt
U du seisch immer du trinksch nid
Du brüsch di Fläsche nume zum nes Schiff gah toufe
Jede weiss, es stimmt nid
Aber we d Lüt lächle ischs dir glych we si dir ds nid gloube
U dini Mondouge
Di strahle zrügg
U nur genau denn, genau denn gseht me dases di git, dases di git

U dr Mond hanget i de Seili, Seili
U me fragt ne nie nach sire Meinig, Meinig
Me fragt nur immer d Stärne
Behandelt ne wine Latärne
Dr Mond hangt i de Seili
Und i weiss dases mir oh so gieng

Oh Christopherus
Schön bisch du no veruss

Schön dass du aues überluegsch
Oh wenn di aui überluege
Oh Christopherus
Schön bisch du no veruss
Schön bisch du da
U i ha s'Gfüehl
Wenn du nümm bisch de gheit die Wält vonang, de gheit di Wält vonang

U dr Mond hanget i de Seili, Seili
U me fragt ne nie nach sire Meinig, Meinig
Me fragt nur immer d Stärne
Behandlet ne wine Latärne
Dr Mond hangt i de Seili
Und i weiss dases mir oh so gieng (Ohh yeah)
U dr Mond hanget i de Seili, Seili
U me fragt ne nie nach sire Meinig, Meinig
Me fragt nur immer d Stärne
Behandlet ne wine Latärne
Dr Mond hangt i de Seili
Und i weiss dases mir oh so gieng (Ooh)